

05/09/2005

MENTERI LUAR SINGAPURA LAWAT MALAYSIA ESOK

SINGAPURA, 5 Sept (Bernama) -- Menteri Luar Singapura George Yeo akan melawat Kuala Lumpur esok, menurut Kementerian Luar Singapura hari ini.

Semasa di Kuala Lumpur, Yeoh dijadualkan untuk menyampaikan ucapan bertajuk "Repositioning Ourselves", pada Forum Kepimpinan Global yang akan berlangsung selama dua hari mulai esok.

Beliau juga akan mengadakan pertemuan dengan rakan sejawatannya dari Malaysia Datuk Seri Syed Hamid Albar, serta lain-lain pemimpin kerajaan Malaysia, menurut kenyataan dari kementerian itu.

Perdana Menteri Malaysia, Datuk Seri Abdullah Ahmad Badawi dijangka akan menyampaikan ucapan pada forum yang bertemakan "Leadership, Innovation and Branding - The Way Forward", itu.

Lain-lain tokoh yang akan menyampaikan ucapan mereka pada majlis itu adalah Timbalan Perdana Menteri, Datuk Seri Najib Tun Razak dan bekas Perdana Menteri Tun Dr Mahathir Mohamad.

-- BERNAMA

JS JS AZH